



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. VI. In quo subjectetur originale peccatum?

[urn:nbn:de:hbz:466:1-78232](#)

DE PECCATO ORIGINALI.

443

Nec obstat quod illæ formalitates non realiter, sed virtualiter tantum inter se distinguantur: quia ut ait D. Thomas qu. I. de malo art. 4. ad 1. idem secundum diversa potest esse culpa & pena, non tamen secundum idem.

Dices primò: Culpa non est à Deo. Sed privatio justitiae originalis, ut subjiciens mentem Deo ut ultimo fini, ab ipso causatur: Ergo non habet rationem culpæ. Minor probatur: Justitia originalis, ut subjiciens mentem hominis Deo ut ultimo fini, est habitus pendens à Deo in fieri & conservari: Ergo carentia illius est à Deo subtrahente auxilium, quo producatur vel conservetur.

Respondeo quod quamvis carentia justitiae originalis ut subjiciens mentem Deo, physice sumpta, seu ut proveniens ex subtractione auxilii divini, sit à Deo, quia sub hac ratione est tantum pena, cum propter culpam Deus subtrahat tale auxilium; carentia tamen justitiae originalis ut subjiciens mentem Deo, moraliter spectata, & ut volita voluntate capitatis, sub qua tantum ratione potest dici culpa, non est à Deo, quia ut voluntaria sequitur ad actum voluntatis Adami, non prout ille actus erat à Deo efficiente, sed in quantum erat à voluntate Ada deficiente.

Si dicas secundò, penam debere præsupponere culpam: respondetur quod etiam privatio physica justitiae originalis, quæ est pena peccati originalis, præsupponit eandem privationem ut voluntariam, sub qua formalitate habet rationem culpæ: priùs enim est nostro modo intelligendi privationem illam voluntariam esse voluntate nostri capitatis, quæ illam infligi à Deo; idè namque Deus nobis nascentibus subtrahit auxilium justitiae originalis productivum, quia voluntate primi parentis volumus justitiæ originali privari.

Ex his interes, ad rectè concipiendum totum culpæ originalis processum, quatuor esse distinguenda signa seu instantia rationis. In primis enim concipere debemus puerum sub debito habendi gratiam ex pacto in paradise inito inter Deum & Adamum. Deinde intelligere debemus, peccatum Adami respicere hunc puerum tanquam membrum ipsius Adami, & causare in ipso aversionem voluntariam à Deo ut ultimo fine, seu voluntariam privationem subjectionis debitæ ipsi Deo, in qua originalis culpa formaliter consistit Tertiò intelligendus est idem puer, ratione utriusque peccati, tum Adami, tum proprii, indignus ut Deus ipsi gratiam promissam conferat, subindeque dignus ut denegetur ei ipsagratia, quatenus est bona eidem puer, ordinaturque ad illum perficiendum Denique intelligere debemus, Deum, utroque peccato ad punitionem pueri provocatum, denegare suum concursum collativum gratiae, & hac denegatione causare ipsius gratiae privationem, non prout hæc privatio tollit subjectionem debitam Deo, sed ut tollit perfectionem promissam & debitam puer, illumque in seipso perficiendum, quo pacto talis privatio habet rationem penæ.

Dices: In illo secundo instanti, seu signo rationis, in quo intelligimus peccatum actualē Adami causare in puer privationem subjectionis ad Deum, etiam intelligimus Deum ut negantem concursum collativum gratiae, atque idè ut punientem puerum per talem negationem; alias debemus tunc concipere Deum gratiam insfundentem: Ergo tam tuto concipiensus pue-

A rum affici privatione gratiae ut pena, quæm affici privatione illius ut culpā.

Respondeo in tali signo nihil concipi de Deo, sed ab eo præscindi; unde neque concipiimus illum ut negantem concursum gratiae, neque ut illam influente, sed solūm concipiimus id quod ex parte pueri se tenet, & quod ex peccato Adami accepit; quod verò propter hoc Deus deneget gratiam, & hac denegatione seu privatione puerum puniat, pertinet ad signa sequentia.

147

ARTICULUS VI.

B In quo subiectetur originale peccatum?

S. I.

Quorundam premisis difficultas resolvitur.

NO T A N D U M primò, quod aliquid potest esse in alio tripliciter: vel sicut in causa principali, ut filius in patre: vel sicut in causa instrumentalis, ut filius in semine patris: vel sicut forma in subiecto, ut albedo in pariete, aut cœcitas in oculo, eo modo quo privatio dicitur habere subiectum.

Notandum secundò, peccatum originale posse considerari dupliciter, nempe formaliter & quad essentiam culpæ, seu quantum ad malitiam primariam & constitutivam; & effectivè quantum ad proprietates, & effectus ex ipso derivatos, qui in ipso de materiali & secundariò importantur. His premissis.

Dico primò, peccatum originale esse in Adamo sicut in causa principali, & in semine sicut in causa instrumentalis. Ita D. Thomas hic qu. 83. art. 1. in corp. ubi sic ait: Peccatum originale omnium hominum fuit quidem in ipso Adamo sicut in prima causa principali, secundum illud Apostoli ad Romanos. 5. In quo omnes peccaverunt. In semine autem corporali est peccatum originale sicut in causa instrumentalis, eo quod per virtutem activam semini traducatur peccatum originale in peccatum simile cum natura humana. Ex quibus sufficienter probata manet nostra conclusio. Unde

Dico secundò, peccatum originale priùs & immediatus recipi in essentia animæ, quæm in ejus potentis; & si quoad essentiam & rationem formaliter culpæ consideretur, recipi in sola essentia animæ; in potentis vero solūm ratione proprietatum; vel effectuum ex ipso procedentium inveniri.

Prima pars est D. Thomæ qu. 4. de malo art. 4 & hic qu. 83. art. 2. ubi eam duplice ratione demonstrat. Prima quam habet in corpore, sic potest proponi. Peccatum originale per originem seu generationem ex Adamo traducitur in posteros: Sed origo seu generatio priùs attingit animam ut terminum, quæm potentias illius: Ergo prius hoc peccatum inhæret animæ, quæm ejus potentis.

Hæc ratio D. Thomæ displicet Vazquezio: Tum quid anima rationalis, cum non educatur è sua materia, sed à Deo immediate procedat, non est terminus generationis, sed creationis. Tum etiam, quia si peccatum originale, eò quod per generationem traducatur, deberet esse priùs in eo quod immediatus generationem terminat, sequeretur illud immediate recipi in totocomposito: hoc enim, & non anima, immediate per generationem attingitur.

148

149

150

151

152

Kkk ii

Sed

DISPUTATIO SEPTIMA

444

Sed hæc frivola sunt, & vim rationis D. Thomæ non infimant, sed confirmant. Ad primum enim facile respondetur, quod quamvis anima non terminet generationem ut terminus per illum productus, eam tamen terminat ut terminus per illam corpori unitus, alias homo non generare hominem, si suā actione nec effectivē, nec unitive animam rationalem attingeret.

Ad secundum dicatur, D. Thomam non fecisse comparationem inter primū & secundū terminans generationem absolue, sed inter subjecta quæ culpæ capacia sunt, & quia compositum secundū se totum non est capax culpæ, sed secundū partem principalem, quæ est anima rationalis, ut probavit art. I. ubi carnem excludit à contractione culpæ originalis secundū essentiam culpæ, ratio adducta probat peccatum originale recipi immediate in essentia animæ, non vero in toto composite, vel in potentia ejus. Unde sic proponi & illustrari potest ratio D. Thomæ. Inter partes hominis, quæ sunt culpæ capaces, illud prius recipit in le culpam originalem, quod prius per generationem corpori unitur: Sed prius unitur corpori per generationem animæ rationalis secundū essentiam, quam secundū potentias; cum inter corpus & animam nulla mediet potentia, inter potentias autem & corpus mediet anima ut subjectum & principium potentiarum: Ergo culpa originalis prius & immediatus recipitur in essentia animæ, quam in ejus potentia.

Confirmatur: Parvulus qui concipitur, prius natura intelligitur habere animam quam potentias: Sed in illo priori anima est infecta peccato originali, cum sit actu pars filii Adæ, unde si de potentia absoluta ab essentia animæ potentiae non resultaret, ille parvulus non propter ea à culpa originali esset immunis, sed eo ipso quod per generationem fieret membrum Adæ, tali peccato inficeretur: Ergo prius natura peccatum originale recipitur in essentia animæ, quam in ejus potentia.

Secunda ratio D. Thomæ sumitur ex resp. ad 2. & sic potest formari. Idem est subjectum privationis, & forma quæ privat, nam v. g. cecitas est in oculo, in quo subjectatur potentia visiva: Sed anima est immediatum subjectum formæ, quæ privat peccatum originale, nimis originalis iustitia: Ergo & peccati originalis. Minor probatur: nam ut ibidem ait S. Doctor, Originalis iustitia pertinebat primordialiter ad essentiam anime, erat enim donum divinitus datum humana nature, quam per prius resiliuit essentia anime quam potentie. Addo quod iustitia originalis, ut supra dicebamus, essentialiter & in re gratiam sanctificantem importabit: Sed gratia sanctificans in essentia animæ immediata recipitur: Ergo & originalis iustitia.

Ex quo probata manet secunda pars conclusio-
nis: Nam gratia habitualis secundū suam es-
sentiā solum in anima residet, in potentia au-
tem secundum proprietates & virtutes ab ipsa di-
manantes existit: Ergo pariter essentia culpæ ori-
ginalis in essentia animæ recipitur; in potentia au-
tem, ratione proprietatum, vel effectuum ex
ipsa procedentium inventur.

Confirmatur & magis illustratur hæc ratio
Quamvis in justificatione infundantur gratia &
dona, ut per illam anima exornetur, & per hæc
eleventur potentiae; essentia tamen formæ justi-
ficantis in gratia habituali aitiam exornante

A adæquatè consistit; alias forma nos justificans non efficit una, sed multiplex, contra id quod definīt Tridentinum sess. 6. cap. 7. ubi ait quod unica causa formalis nostra iustificationis est iustitia Dei, non quæ ipse iustus est, sed quæ nos iustos facit etc. Ergo pariter, quamvis anima & potentiae inficiantur per culpam originalem, essentia tamen illius adæquatè in animæ infectione consistit; infectiones autem seu deordinationes potentiarum, secundariò tantum ad illam veluti ejus proprietates pertinent.

§. II.

Solvuntur obiecções.

O BIICIES primò contra primam partem hujus conclusionis, cum Scoto in 2. dist. 2. Ap. secundū se non est susceptiva culpæ, sed solum mediā voluntate: Ergo culpa originalis prius & immediatus non recipitur in essentia animæ, quam in ejus potentia. Consequens manifesta est, Antecedens probatur: tum quia omne peccatum essentialiter est voluntarium: tum etiam quia dicit deformitatem à lege, quæ non potest inesse animæ, nisi media voluntate, cum non nisi illa mediante, legis obligationi subesse possit.

Respondeo cum Cajetano, Antecedens esse verum de culpa actuali, non autem de habituali: cùm enim anima secundū suam essentiam rationalis & spiritualis sit, & radix omnium actuum moralium, bonorum & malorum, non est cur ex hac parte repugnet illi esse immediatum subjectum alicuius quod sit moraliter malum: unde si est aliquid peccatum, quod iniusta non possit immediate subjectari, provenit non ex eo quod est culpa seu malitia moralis, sed ex eo quod est operatio, & ideo oblatā ratione operationis à culpa, sicut auctor in peccato habituali, sive originali, sive personali, nihil obstat quominus culpa immediata subjectetur in essentia animæ. Ad primā probationem in contrarium, dicendum est peccatum habitualē esse voluntarium per modum termini, non per modum actus: licet autem id quod est voluntarium terminative, debeat anima competere mediā voluntate propriā, vel capitis, ut causa efficiente, non tamen mediā voluntate concurrente in ratione subjecti. Ad secundam probationem eadem distinctione utendum est: quando enim dicitur quod deformitas à lege habitualiter permanens post peccatum, non inesse animæ nisi mediā voluntate, hoc falsum est, si sensus sit non inesse nisi mediā voluntate concurrente in ratione subjecti; verum autem, si intelligatur eam non in esse nisi mediā voluntate ut causā efficiente, ex eo enim quod voluntas deviat à divina lege per suum actum, resultat prædicta deformitas in anima permanens habitualiter.

Obijcies secundū: Ex D. Thomæ hic qu. 82. art. 3. Privatio originalis iustitiae, per quam voluntas subdebatur Deo, est formale in peccato originali. Sed privatio iustitiae originalis, ut subjiciens voluntatem Deo, residet in voluntate: Ergo peccatum originale, quantum ad formale, in voluntate residet, non vero in essentia animæ.

Respondeo D. Thomam non loqui hic de subjectione formalis voluntatis ad Deum ut ultimum finem, quæ est à charitate, sed de subjec-

153

154

155

156

157

jectione primaria & radicali, quæ est à gratia sanctificante, existente in essentia animæ, indeque medio habitu charitatis influente voluntati rectitudinem, quā illam Deo ut ultimo fini subicit. Unde ibidem observat Cajetanus, D. Thomam nunquam dixisse, quod formale peccati originalis sit privatio rectitudinis aut subjectivæ voluntatis, sed dixit esse privationem originalis iustitie, per quam voluntas subdebatur Deo, ut insinuerat talem locutionem transitivam esse, & se loqui de subjectione causalī & radicali voluntatis, quæ est à gratia sanctificante, non verò de proxima & formalī, quæ est ab habitu charitatis: quapropter in aliis locis supra adducit, S. Doctor, loco voluntatis, ponit mentem, quæ B. primariò dicit ipsam animam.

ARTICULUS VII.

An pueri cum solo originali decedentes sub eam pœnam gehennæ & combustionis exercitae, vel saltē aliquam ex pœna damni tristitiam patiantur?

§. I.

Premittitur quod apud omnes est certum, & reveruntur sententiae.

CERTUM & indubitatum est apud Catholicos, infantes decedentes sine baptismo, & cum solo originali peccato ex hac vita migrantes, pœnam damni, consistente in carentia visionis intuitivæ Dei, de facto puniri. Id enim aperte ex Scriptura colligitur, Joan. 3. *Nisi quis renatus fuerit ex aqua & Spiritu Sancto, non potest introire in regnum Dei.* Et 1. ad Corinth. 2. *Sicut in Adam omnes moriuntur, ita in Christo omnes viviscabuntur: id est, nemo à morte contracta per Adamum liberatur, nisi Christo ut capiti uniatur; quæ unio non fit nisi per baptismum, per quem Christo incorporamur, & membra ejus efficiuntur.* Idem definit Synodus Palæstina, seu Diöspolitana, ut testatur S. August. lib. de gestis Pelagii cap. 8. & Epist. 106. Synodus etiam Catthaginensis & Milevitana apud eundem Epist. 90. & 92. & Tridentinum sess. 5. in decreto de peccato origin. can. 4. & 5. Favent etiam SS. Patres, illi præcipue qui restiterunt heresi Pelagianæ, cuius unum ex præcipuis dogmatibus hoc erat: *Infantes, tametsi non baptizati, vitam eternam habent.* Denique id ratio suadet: Nam sine gratia gratum faciente nemo potest videre Deum: Atqui parvuli cum peccato originali decedentes, gratiâ gratum faciente prædicti non sunt, sed eâ in pœnam talis peccati privantur: Ergo puniuntur pœna damni, in carentia visionis intuitivæ Dei consistente. Minor est certa, Major probatur. Visio Dei est actus supernaturalis perfectus, imò & omnium perfectissimus: Sed actus supernaturalis non potest, conaturaliter saltem, elicere natura ejusdem ordinis, ut in tractatu de gratia ostendimus: Ergo sine gratia gratum faciente, quæ est natura ordinis supernaturalis, & quæ in illo ordine gerit vices substantias, & principii radicalis actuum supernaturalium, nemo potest videre Deum.

In hoc, us dixi, convenient omnes Catholicos

A contra Pelagianos. Sed difficultas est & controversia inter Theologos, an parvuli cum solo originali peccato decedentes, præter pœnam illum damni, in carentia visionis Dei consistentes, pœnam aliquam sensus patiantur, aut falso an ipsa pœna damni, quam patiuntur, sit illis causa alicujus mœstitudinæ vel doloris? In cuius difficultate resolutione quatuor invenio diversas Authorum sententias.

Prima assertit parvulos decedentes sine baptismo, & cum solo peccato originali ex hac vita migrantes, non alium in perpetuum Dei visione privari, sed etiam pœna ignis aeterni puniri, minus tamen quam adultos damnatos, eò quod leviori culpâ adstringantur. Ita docent Gregorius Ariminensis in 2. dist. 30. & 31. Driedo lib. 1. de gratia & lib. arbit. tract. 3. cap. 2. & probabile reputat Albertus Magnus in summa tract. 18. Pro hac etiam sententia acriter pugnat Florentius Contius Minorita, in tractatu edito ad calcem libri Jansenii, *De statu parvolorum sine baptismo decedentium ex hac vita*, secundum mentem B. Augustini, & ab eodem Jansenio approbat atque laudato lib. 2. de statu naturæ lapsum cap. 25. in fine. Quo in tractatu contendit Author ille, oppositam sententiam, quam à quingentis ferè annis omnes ferè amplectuntur Theologi, esse Pelagianam, & peccatum originalis penitus evanescere.

Secunda docet parvulos in peccato originali decedentes, nullâ quidem pœna sensus fore plebescitos, aliquam tamen tristitiam de amissione sua beatitudinis habituros, quæ tristitia pertinet ad ipsam pœnam damni. Henc tenet Abulensis super cap. 25. Matth. qu. 66. & 67. Bellarminus tomo 1. lib. 6. de amissione gratiæ & statu peccati, cap. 6 & 7. Valentia tomo 2. disp. 6. qu. 17. puncto 4. & probabilem censem Soto, Zumel, Curiel, & alii

Tertia existimat quod illi parvuli privantur quidem in pœnam peccati originalis beatitudine supernaturali, in clara Dei visione consistente, non tamen beatitudine naturali, sicut in cognitione & dilectione Dei ut Authoris naturæ; & addit quod post diem judicij illi super faciem terræ velut in paradiſo quoddam terrestri habitabunt, pleni sapientiæ, & virtutibus moralibus instructi, & quod Angelorum consortio, ac visitationibus, ex quibus magnum percipient solatium, sepe fruentur. Ita Catharinus libro de statu parvolorum decedentium sine baptismo, Albertus Campensis controv. 1. de peccato originali proximè ad finem, Hieronymus Savanarola in libro de triumpho crucis. Eamque sententiam probabilem putant Salmeron in cap. 5. ad Roman. disput. 48. Salas, & alii ex Recentioribus.

Ultima & vera sententia defendit parvulos in peccato originali decedentes, pœna quidem damni, in carentia notitiae intuitivæ Dei, naturalisque beatitudinis consistente, puniri; non tamen pœna sensus, aut interiore dolore seu tristitia, ex carentia boni amissi causata. Hanc quoad omnes partes tenent communiter Scholastici cum Magistro in 2. dist. 33. & D. Thoma ibi qu. 1. art. 1. & 2. ad Annibal. dist. 34. qu. unic. art. 4. & qu. 5. de malo art. 2. Undesit

167